

OF THE
UNIVERSITY OF ILLINOIS
16-5-14
**I N E X
S C H O L A R U M**

IN
**UNIVERSITATE LITTERARIA FRIDERICIANA
HALENSI CUM VITEBERGENSI
C O N S O C I A T A**

P E R A E S T A T E M

A N N I c l o I o c c c X X X V I I I 1838.

INDE A DIE VII MAII USQUE AD DIEM XXII SEPTEMBRIS

PUBLICAE PRIVATIMQUE

H A B E N D A R U M.

Inest ~~MEIERI~~ Commentationis Quintae
De Andocidis Quae Vulgo Fertur Oratione Contra Alcibiadem Particula Prima.

H A L A E,
T Y P I S H E N D E L I A N I S.

1 2 3 4 5

11 12 13 14 15 16 17 18 19 20

21 22 23 24 25 26 27 28 29 30

UNIVERSITATIS FRIDERICIANAE
PRORECTOR
ERN. ADOLPH. THEODOR. LASPEYRES
CUM
DIRECTORE ET SENATU
S. D.
CIVIBUS SUIS.

Contra Alcibiadem quae est oratio, eam *Ioh. Taylorus*¹⁾ tribus argumentis usus est ut Andocidi eriperet, tribus ut illi ereptam Phaeaci cuidam Erasistrati filio vindicaret. Atque ex tribus superioribus argumentis illud unum ipse in subsidium vocavi, quod Andocidem negavit cum Alcibiade et Nicia umquam de ostracismo decertasse; duobus reliquis abstinui, quod alterum non verum, alterum non idoneum esset ad obtinendum id quod agitur. Quod enim ab orationis actore memorari dicit domo se humili potius quam illustri esse, Andocidi autem, quippe qui ad Mercurium retulerit gentis originem, summam religiosamque et fuisse generis antiquitatem et iactari alias, id sane faceret non mediocriter ad persuadendum, si esset verum; sed non est verum, neque in hac oratione commemoratur, quod dicitur commemorari, sed illud tantum contendit orator, genus si spectetur, videri ostracismum in Alcibiadem convenire, cuius maiores plus semel ostracismi causa solum verterrint, in se non convenire, cuius ex maioribus nemo sit ostracismum passus. Quod autem apud Lysiam narrari dicit, esse ab Andocide *privato* Siciliam, Italiam, Peloponnesum, Thesaliam, Hellespontum, Ioniam, Cyprum peragratas, ab hoc vero oratore *legationes* memorari ab se in Thessalia, Macedonia, Molossia, Thesprotia, Italia et Sicilia praeclare obitas, id verum quidem est, sed cum qui alio tempore privatus est illuc profectus, causssae nihil sit, quin idem potuerit alias eodem legatus ire, nullam habet persuadendi vim. Ea autem argumenta, per quae efficere conatur esse eam orationem ad Phaeacem referendam, si vel maxime vera essent omnia, ne tum quidem illud probarent, quod probari vult. Attamen operae pretium est etiam haec singulatim dispicere et iusta trutina librare. Taylorus igitur primum, „ipso, inquit, orationis initio actor sibi significat esse cum Nicia et Al-

¹⁾ Lection. Lysiac. p. 265 sqq. Reisk.

cibiade ostracismi certamen, οἱ δ' ἀνταγωνιζόμενοι περὶ τῶν ἄλλων τούτων ἔσμεν ἐγὼ καὶ Ἀλκιβιάδης καὶ Νικίας, ὧν ἀναγκαῖον ἓνα τῇ συμφορᾷ περιπεσεῖν, atque inter Phaeacem et reliquos duumviros esse olim de ostracismo disputatum ex Plutarcho ²⁾ patet. Eius argumenti auctoritatem Valckenarius ³⁾ et Ruhnkenius ita elevarunt, ut aliisne persuaserint, nesciam, mihi non persuaserint. Ruhnkenius enim, quum quos Plutarchus secutus sit auctores, non inter se convenient neque res eodem modo narretur, immo vaga et incerta narratio sit, qua sit negligentia a plerisque tertius ostracismi quasi quidam competitor omisus, eadem Phaeacem contendit esse pro Andocide positum, pro Andocide scilicet, cuius nomen nemini veterum scriptorum ea in re commemoratur. Valckenarius etiam ulterius progressus tum a Plutarcho negat de ostracismi disputatione inter triumviros illos habita quidquam tradi, tum in huius orationis principio καὶ Νικίας verba ab eruditulo adiecta vult, quamquam et Plutarchus id in vita Alcibiadis diserte tradit, quod tradi ab eo negat, et in hac oratione illis verbis sublatis ne stare quidem locus potest, in quo tum pro ἓνα esset certe τὸν ἕτερον dicendum. Sed Ruhnkenius quoque Plutarchum secus intellexit; hic enim non de numero eorum, inter quos de testularum periculo certatum sit, sed de ea re una scriptores inter se discrepare dicit, quod Hyperbolus ut ostracismo eiiceretur, plurimi quidem, quos ipse sequitur Plutarchus, re cum Nicia, pauci, inter quos Theophrastus Eresius, re cum Phaeace composita effecisse Alcibiadem velint; eam sententiam vita Alcibiadis tam manifesto prae se fert, ut dubitari nequeat quin obscurior ille locus ex vita Niciae non in eum modum accipiendus sit, quasi vero „plurimi scriptores“ nullam omnino ea in re fecerint Phaeacis mentionem; nam id si dixisset, „pugnancia secum frontibus adversis“ posuisset Plutarchus in vitis Niciae et Alcibiadis; sed non posuit, etiamsi non πρὸς Ἀλκιβιάδην διαλεχθέντος quo etiam in Aristidis vita (c. VII) utitur, sed π. Ἀ. ἐρίσαντος scripsit. — II. Alterum argumentum Taylori hoc fere est: quae de se profiteatur orationis actor, in Phaeacem cadere omnia. Redeunt haec, si quid video, ad tres notas; 1) primum enim ab oratore commemorari, capitis se olim caussam dixisse atque absolutum esse, duos, qui in eadem secum caussa fuerint, dissimili fortuna usos capite noxam luisse, Phaeacem autem constare ⁴⁾ causam capitis ἐπαντοφώρῃ dixisse et facundiae salutem debuisse; 2) dein genus suum oratorem dicere ⁵⁾ humile potius atque ignobile quam illustre esse, Phaeacem autem neque domo fuisse nobilem neque maioribus clarum, immo hominem quasi novum et nobilitatis suae primum auctorem; 3) denique legationes suas iactare oratorem, Phaeacem autem anno X^o belli Peloponnesiorum legatum esse ab Atheniensibus in Siciliam atque Italiam missum ⁶⁾, qui sociorum animos confirmaret, alios contra Syracusanos irritaret. Ex his tribus notis secundam et tertiam impugnavit Ruhnkenius: neque enim Phaeacem fuisse obscuro genere ortum, neque

²⁾ Plut. Alcib. 13. Ἀγῶνα εἶχε (Ἀλκιβιάδης) πρὸς τε τὸν Φαίακα τὸν Ἐρασιστράτου καὶ Νικίαν τὸν Νικηράτου. — Ἐπεὶ δὲ ὅλον ἦν, ὅτι ἐνὶ τῶν τριῶν τὸ δσπρακὸν ἰποῖσονται, συνήγαγε τὰς στάσεις πρὸς ταύτων ὁ Ἀλκιβιάδης καὶ διαλεχθεὶς πρὸς τὸν Νικίαν κατὰ τοῦ Ἱπέρβολου τὴν ὀσπρακοφορίαν ἔρευνεν. Ὡς δ' ἔνοιό φασιν, οὐ πρὸς Νικίαν ἀλλὰ πρὸς Φαίακα διαλεχθεὶς καὶ τὴν ἐκείνου προσλαβὼν ἐταιρίαν ἐξήλασε τὸν Ἱπέρβολον, οὐδ' ἂν (1. οὐδέτι) προσδοκῶντα. Id. Nic. 11. Ἀκμαΐουσης τῆς πρὸς τὸν Νικίαν τοῦ Ἀλκιβιάδου διαφορᾶς καὶ γυνομμένης ὀσπρακοφορίας — πολλὸς θόρυβος ἀμφοτέρους περιῖστατο καὶ κίνδυνος ὡς θατέρου πάντως ὑποπεσομένου τῷ ὀσπρακισμῷ — Ἱπέρβολος — καταφανὴς ἦν ἡδόμενός τε τῇ διαφορᾷ καὶ παροξύνων τὸν ὄχλον ἐπ' ἀμφοτέρους. συνιδόντες οὖν τὴν μοχθηρίαν οἱ περὶ τὸν Νικίαν καὶ τὸν Ἀλκιβιάδην καὶ λόγον δόντες ἀλλήλους κρύφα καὶ τὰς στάσεις συναγαγοντες εἰς ἕν ἀμφοτέρας καὶ ἀναμείξαντες ἐκράτησαν, ὥστε μηδέτερον αὐτῶν ἀλλὰ τὸν Ἱπέρβολον ἐξοσπρακισθῆναι. — Οὐκ ἄγνωσθ' δ', ὅτι Θεόφραστος ἐξοσπρακισθῆναι φησὶ τὸν Ἱπέρβολον Φαίακος ὡς Νικίου πρὸς Ἀλκιβιάδην ἐρίσαντος, ἀλλ' οἱ πλείους οὕτω γεγράφασιν. Theophrasti locum in libro de legibus infuisse, probavi in commentatione de ostracism. §. 1 not. 5. ³⁾ Valcken. ap. Suiter. Lert. Andocid. p. 17 sqq. Ruhnken. hist. cr. orat. graec. p. 135 R. ⁴⁾ Aristoph. Eq. 1374 c. schol. ⁵⁾ §. 34. ⁶⁾ Thuc. V, 4.

ab oratore genus abiici suum; legatum autem Phaeacem constare sane in Italiam esse et in Siciliam missum, sed inde Thucydide teste domum revertisse, ab oratore autem iactari legationes ab se etiam in Thessalia et Macedonia et Thesprotia obitas. Sed ne prima quidem nota ita cadit in Phaeacem ut in hunc solum conveniat, sed ita cadit ut ab Phaeace non abhorreat, ut de Phaeace potuerit praedicari; idem vero arbitrator etiam in reliquas duas notas cadere ab Ruhnkenio sublatis. Etenim si neque Phaeax obscuris erat natalibus, neque orationis actor genus suum obscurum fuisse dicit, si Phaeax in Italiam et Siciliam legatus ivit et orationis actor se non tantum illuc sed insuper etiam in Thessalia et Macedoniam et Thesprotiam legatum missum esse commemorat, nihil certe inest orationi, unde Phaeacem non posse huius orationis actorem esse comprobetur. Id ut non multum est, ita non est plane nihil; ea enim, ut hoc utar, Andocides ne potuisset quidem de se praedicare. — III. Iam res redit ad triarios, ad illud telum, quod retorqueri nullo modo, ad id argumentum, quod nulla vi infirmari posse Taylorus statuit; Plutarchum⁷⁾ enim haec posuisse: *φέρεται δὲ καὶ λόγος τις κατ' Ἀλκιβιάδου καὶ Φαίακος γεγραμμένος, ἐν ᾧ μετὰ τῶν ἄλλων γέγραπται, καὶ ὅτι τῆς πόλεως πολλὰ πομπὴν χρυσῶ καὶ ἀργυρᾷ κεκτημένης Ἀλκιβιάδης ἐχρήσθη αὐτοῖς ὥσπερ ἰδιοῖς πρὸς τὴν κατ' ἡμέραν δαίταν.* Hic pro καὶ Φαίακος ex cod. ms. Aldino esse ὑπὸ Φαίακος scribendum; quae autem verba in Phaeacis contra Alcibiadem oratione hic dicantur extare, ea ipsa in hac legi, quae Andocidis nomen prae se ferat §. 29: *τὰ πομπὴν παρὰ τῶν ἀρχιθεωρῶν αἰτησάμενος ὥς εἰς τὰ πινύκια τῇ προτεραιᾷ τῆς θυσίας χρήσασθαι τοῖς χρυσοῖς χειρῖβοις καὶ θυμιατηρίοις.* At vero quos locos eosdem esse praedicat Taylorus, eos et verbis vehementer distare neque mediocriter sententia discrepare Valckenarius et Ruhnkenius satis probaverunt; vasa enim sacra ab Alcibiade Plutarchus quotidianos, id est profanos ad usus, orator hic ad pompam et commissationem Olympicam narrat adhibita, quae res sunt diversissimae; neque in illud invehitur orator, quod sacris civitatis vasis Alcibiades sit ad privata ἐπινύκια abusus, sed quod vasa ab principibus Atticae legationis sacrae et epinicionum privata sollemnia mutuatus, reddere postridie noluerit, cum publice haberetur pompa fieretque sacrificium ab victoribus certaminum, ab legationibus sacris, ab hellanodicis, sed suo publice facto sacrificio prius adhibuerit; quo illud consecutus est Alcibiades, ut cum vasis iisdem Attica postea uteretur theoria, non ipse civitatis, sed civitas Alcibiadis vasa videretur mutuo accepisse.⁸⁾ In Plutarcho autem quam Taylorus probavit scripturam atque receperunt Coraes, Baehrius, Schaeferus „ὑπὸ Φαίακος,” eam Xylandri tantum esse correctionem, ab anonymo adnotatam, in libro autem nullo repertam satis evicit Sintenisius,⁹⁾ qui cum scripturam teneat, quae communis est librorum omnium, sententiam autem eius hanc velit esse „Phaeacis, ut in aliis rebus adversatus est Alcibiadi, ita etiam oratio extat; alterum καὶ, quod est ante Φαίακος vim hanc habet, ut indicet etiam Phaeacem, ut Lysiam, Antiphontem orationibus exagitasse Alcibiadem,” haud scio an ingeniosius sit quam verius versatus. Neque enim aut e re nunc erat, illud indicasse quod dicit indicari Sintenisius, cum in iis, quae antecedunt proxime, nulla sit vel Antiphontaeae vel Lysianae orationis mentio facta, aut ita est indicatum, ut indicium facili negotio intellegas; etenim si voluit illud indicari, quidni scripsit multo simplicius: *φέρεται δὲ καὶ Φαίακος καὶ λόγος τις κατ' Ἀλκιβιάδου γεγραμμένος?* Uti enim nunc scriptus est locus, καὶ Φαίακος vix divellat ab κατ' Ἀλκιβιάδου, atque

⁷⁾ Vit. Alcibiad. c. 13. ⁸⁾ Cf. commentat. meam de Olympior. lud. §. 6. in Encyclop. Art. III, T. 3 p. 301. sq. not. 2. ⁹⁾ ad Plutarch. Pericl. p. 279.

quum hodieque extet Lysiae oratio κατὰ Ἐπικράτους καὶ τῶν συμπεσθευτῶν, quum in manibus habeamus Demosthenis orationes πρὸς Νανσίμαχον καὶ Ξενοπέδη, κατὰ Ἐδέργου καὶ Μησιβοῦλον, quum olim extiterit Lysiae oratio πρὸς Νικόδημον καὶ Κριτόβουλον, Isaei κατὰ Ἐλπαγόρου καὶ Δημοφάνους, Hyperidis πρὸς Πυθέαν καὶ Ἀνκοῦργον, Dinarchi πρὸς Περικλέα καὶ Δημοκράτην, orationes igitur contra duos scriptae non adeo rarae fuerint usu, unusquisque, qui modo legit λόγος κατ' Ἀλκιβιάδου καὶ Φαίακος γεγραμμένος, in eam primum deferitur sententiam, ut orationem contra Alcibiadem et Phaeacem scriptam significari credat. Verum tamen, cum ea sit Plutarchei loci cohaerentia, ut significanda fuerit oratio ab Phaeace non contra Phaeacem scripta; (quae enim eum locum praecedunt ad facundiam pertinent Phaeacis, qui dicendi laude ab Alcibiade superatus sit, ipsius in republica adversario et aemulo), quumque καὶ et ὡς tam similibus notis scribantur, ut et facile confundi possint et saepe librariorum oscitatione confusa sint,¹⁰⁾ praestare videtur describere: *Φέρεται δὲ καὶ λόγος τις κατ' Ἀλκιβιάδου ὡς Φαίακος γεγραμμένος*, fertur oratio quaedam contra Alcibiadem scripta, ut Phaeacis. Id si recte coniicio, Plutarchus significasse putandus est, primum eam orationem admodum obscuram et ignobilem (λόγος τις), dein Phaeacis quidem nomine esse inscriptam, inscriptionem autem eam suspectam videri. Verum ea de coniectura aliis aliud placeat; quod Taylora autem firmissimum visum est argumentum, id iam corrui ita, ut plane iaceat. Quae vero praeterea Ruhnkenius et Valckenarius Taylora opposuerunt, non sunt admodum valida. Ruhnkenius enim „sed finge,“ inquit „Phaeacis esse orationem. Illene Alcibiadem, quocum de Hyperbolo eiiciendo consenserat, tam indignis modis accipisset? et quis orationem habet adversus eum, quocum conspiret?“ Ego vero et olim licuisse arbitror et nunc licere, adversus quem orationem antea habueris, quem indignis modis antea acceperis, cum eo postea in gratiam redire atque de alio eiiciendo consilia communicare. „Quid?“ pergit, „Phaeacis oratio, Plutarcho lecta, si ostracismum in discepcionem vocasset Plutarchus rem confectam habuisset, nec ullo modo dubitare potuisset, sicut dubitat, an Phaeacis partes quaedam in hoc certamine fuerint.“ His iam quodammodo responsum est supra; neque enim illud dubitat Plutarchus, Phaeacisne quoque eo in certamine partes fuerint quaedam, sed illud unum dubitari dicit, Alcibiades utrum cum Phaeace an cum Nicia de eiiciendo Hyperbolo conspiraverit, id quod poterat dubitare, etiamsi hanc legit orationem atque ab Phaeace scriptam esse credidit. Valckenarius autem „mirum est“, inquit, „si hanc ut *Phaeacis* legerit orationem *Plutarchus*, nihil inde, quod ad *Alcibiadem* spectet, eum excerpisse, praeter illud perpusillum sane. Multa ibi habentur historica vitae *Alcibiadis*, quae *Plutarchus* attigisset, si cognita habuisset.“ Aliis contra visus est Plutarchus neque pauca ex hac oratione in suos usus vertisse; id rectene sit visum, nunc non quaero; illud vero iam nunc licet contendere, praeter tributorem novam descriptionem ab Alcibiade factam nullam rem commemorari ab oratore, quin a Plutarcho significata sit; atque quod rerum utrique communium non ita conspirat enarratio ut videri possit ex altera altera expressa, id nemini mirum videbitur qui meminerit Plutarcho indignum fuisse in illustrium virorum vitis scribendis multum adversariorum conviciis et contumeliis tribuere. Verum fac multa esse, quae excerpere potuerit ex oratione Plutarchus, neque tamen excerpserit; num id si est mirum, magis mirum est, si eam orationem ut Phaeacis, quam si eandem ut Andocidis legit? Ego vero non credo. Quae reliqua profert Valckenarius, cum non faciant contra Phaeacem, ut orationis auctorem, sed pugnent pro Andocide, ad quem superioribus commentationibus expositum est cur non possit referri oratio, licebit verbo expedire. Namque cum tribus insuper usus sit argu-

¹⁰⁾ Cf. *Bast.* et *Schaeff.* ad Greg. Cor. p. 24 sq. 201. 217. 781. 816.

mentis Valckenarius, eorum unum (VII^{um}) „quod ea oratio sine dubitatione ut Andocidis citetur ab Harpocrate“, tum examinabimus, ubi orationis interiore virtute demonstrata testimoniorum naturam aestimabimus, quae orationi fidem partim adferunt, partim imminuunt; VI^{um} autem et VIII^{um}, quae eodem redeunt „vim dicendi in hac oratione elucere admirabilem et prorsus Andocideam, stilum videri eundem in hac oratione atque in reliquis, quae sint sine controversia Andocidea“, statim et uno ictu conficiam utrumque. Etenim cum Valckenarius non singulatim demonstraverit inesse orationi virtutes eas, quibus spectatur eloquentia, istuc ipsum eluceatne admirabilis dicendi vis in hac oratione, tum demum apparebit, ubi eius singula et verba et sententias in iudicium severum illud quidem, sed, ni fallor, non iniquum adduxerimus; sed fac vere praedicare Valckenarium de virtutibus orationis, multo minus ea potest haberi pro fetu Andocidis, quem consentiens antiquitas admirabilem vim dicendi negavit esse consecutum.

Eo igitur iam deducta est disputatio, ut nihil constet ab Taylora esse allatum, quod ab Phaeace profectam esse orationem doceat; sed quae quidem accommodate ad persuadendum sunt dicta, eo valent, ut quicumque demum fuerit orationis auctor, ab eo vel Phaeaci vel ex persona Phaeacis scriptam eam esse dicas. Atque id mihi quoque placet; nam cum Alcibiades Niciasque semel omnino idque cum Phaeace de ostracismo decertasse narrentur, ea oratio, in cuius principio actor profitetur sibi adversus illos duumviros ostracismi certamen esse, non potest ex alius actoris persona scripta esse, quam ex Phaeacis, nisi vel ea ipsa in re ab auctore orationis dicas contra rerum fidem et memoriam commissum esse. Eam igitur narrationem, qua de testularum discrimine inter III illos principes viros disceptatum esse ferebatur, legit personatus orator, eam pro fundo habuit, cui suam declamationem superstrueret. —

Postquam vero evicimus orationem ad Andocidem nullo modo referri posse, ad Phaeacem non demonstratum esse cur debeat referri, age iam illud conemur efficere, ut ne ab aequali quidem Andocidis eam proficisci potuisse intellegatur; quod si obtinebimus, etiam magis actum erit de Taylora coniectura ut de Ruhnkenii Valckenariiue iudicio.

II.

Contendo igitur inesse orationi, quae aequalium nemo, non inesse, quae ea in opportunitate aequalium quisque dixisset; contendo ita compositam esse orationem, ut neque tempus, neque locus possit cogitari, quo aut haberi aut audiri potuerit; quam autem aequalium aliquis vel stili exercendi causa scripserit orationem, ita certe adornaturum fuisse, ut si minus suo certe aliquo et tempore et loco posset videri habita esse. Haec iam sed inverso ordine demonstratum eo singula. Donec enim lex erat de ostracismo, id est ab Clisthenis inde descriptione reipublicae usque ad Hyperbolum urbe eiectionum, testularum certamen ita haberi solitum est, ut primum plebs quotannis decerneret, eo anno illud certamen videretur sibi an non videretur instituendum, id quod in prima concione ordinaria sextae prytaniae, id est inter Decembrem Ianuariamque mensem erat decernendum; ubi vero ea in concione recitato Scto, quod ea de re esset perscriptum, plebis maior pars manuum allevatione iussisset ostracismum haberi, plebiscitum fiebat, quo credibile est tum ternos cives de ostracismo inter se decertaturos designatos, tum tempus ineundo certamini, nisi id lege erat perpetua sancitum, esse constitutum; eo autem tempore, quod erat sive lege sive plebiscito iussum sive ex magistratum arbitrio constitutum, concio in foro vetere Ceramici urbani praesidentibus novem praetoribus et sexatu quingentorum habeba-

tur, atque in ea concione populus ita tributim suffragia ferebat, ut cuius nomen ex ternis illis designatis non tribuum sed civium maior pars eaque non infra sex millia in testulis scripsisset, is voce praeconis excedere intra decimum diem urbe et olim per decem, postea per quinque annos continuos carere civitate iuberetur; annis enim singulis singulos tantum licebat testarum nomine urbe eiicere¹¹⁾. Haec quum ita sint, in quam concione vis hanc contra Alcibiadem orationem esse habitam? quae si non in concione est habitata, nunquam est habitata. In primane ordinaria sextae prytaniae? at ipsum orationis initium docet iussum iam ostracismum haberi, designatos iam esse inter quos certaretur de ostracismo. An igitur in ea ipsa concione qua institutum est certamen? crederes id propter ea quae §. 3. extant: *οἱ μαι δὲ καὶ τοὺς φίλους ὁμῶν ἐν ταύτῃ μάλιστα τῇ ἡμέρᾳ λυπεῖσθαι καὶ τοὺς ἐχθροὺς ἡδεσθαι*. Verum haec concio in foro habebatur, in quo neque suggestus fuit sive bēma oratori nec sedilia auditoribus, stantes vero audiverunt Romani cives, non audiverunt Graecorum conciones, ne heroicae quidem aetatis ἀγορά,¹²⁾ fortasse¹³⁾ ne Spartanorum quidem ἄλλα, nedum Athenienses, apud quos quantum invaluerit mos ut sedens audiret concio et iudicium, illud documento est, quod totiens solum οἱ καθήμενοι¹⁴⁾ de concione aut de iudicio dicitur. Atque eidem concioni ne *tempus* quidem fuisse videtur orationes audiendi; ponamus enim civium amplius sex millia testas non in unam quidem cistam cunctos icisse (nam tum *δοξακοσοῦτε* ne tres quidem dies suffecerint), sed singulis tribubus suas fuisse cistas, ut deni simul cives potuerint suffragia ferre; dies tamen octo vel decem horarum nullo modo etiam orationibus habendis sufficeret; nam eo die singulis tribubus conveniendum erat in sua conciliabula sive ἀγοράς¹⁵⁾, hinc tribubus singulis singulatim intra septa fori procedendum, ab tribulibus, ut minimum numerum ponam, sexcentenis, testae singulatim inscribendae (inter quos non pauci litterarum rudes scribendique expertes fuerint, qui debebant nomina per alios scribenda curare) inscriptae testae ferendae in cistas, cistae aperiendae, testae dirimendae, denique describendae et cuius nomen maior civium pars in testis scripsisset,¹⁶⁾ ei per praekonem indicendum ut urbe excederet. At, inquit, tres breves orationes non multum temporis exigunt. Verum orator quamquam §. 25. Alcibiadem indicare videtur nondum dixisse sed dicturum esse causam (ἡγοῦμαι δ' αὐτὸν πρὸς τοῦτο μὲν οὐδὲν ἀντερεῖν, λέξειν δὲ περὶ τῆς νίκης τῆς Ὀλυμπιασίδος, καὶ περὶ πάντων μᾶλλον ἢ τῶν κατηγορηθέντων ἀπολογία εἰσεσθαι, ubi velim advertas ad futurum tempus), tamen §. 8. de suis accusatoribus plurimum numero loquitur (εἰκότως ἂν τῶν κατηγορούντων ἡκροῦσθαι), ut praeter tres illos ostracismi competitors alii etiam in ea concione verba fecerint necesse sit, si huic oratori fides est. — Accedit, quod si in hac concione habitata esset oratio, vix locus fuisset Alcibiadi Niciam et Phaeacem ita in suas partes trahendi ut imminentem sibi ostracismum coniunctis studiis in Hyperbolium deflecterent. — Reliquum est, ut orationem habitam dicas una ea-

¹¹⁾ Cf. comment. *meam* de ostracismo §. 4 in Encycl. Art. III, 7 p. 180 sqq. ¹²⁾ *Homcr.* II. B. 95. *ὅπου δ' ἐστὶν ἀρχαῖα γαῖα, λαὸν ἔχονταν*. — *σπουδῇ δ' ἔξετο λαός, ἐκλήθη δὲ καθ' ἑξῆς κτλ.* ut tot locos taceam, quibus et surgere dicuntur qui verba sunt facturi, et considerare, qui verba fecerunt, τοῖσι δ' ἀνιστάμενος μετέφη (*A.* 57.) ἦτοι ὅγ' ὥς εἰπὼν κατ' ἑὸν ἔξετο (ib. 68.) ¹³⁾ Omnem tollit dubitationem *Thuc.* I, 87 *ἀναστήτω*. ¹⁴⁾ Cf. *Dem.* Mid. §. 18. ¹⁵⁾ *Boeckh.* C. I. Gr. I, p. 125. ¹⁶⁾ Rem ne quis a me exaggerari criminetur, moneo, Lutetiae Parisiorum a. d. XXVI. Dec. 1837, cum in concilio legatorum (députés) Galliarum suffragia ferrent CCCIII legati, electionem eorum qui essent pro praeside horarum fuisse trium et dimidiae (*Journ. des débats* 27. Decbr.), sequenti die quum eligerentur qui essent concilio a secretis „cette opération (le depouillement du scrutin) commencée à trois heures est achevée à cinq heures moins un quart“; quantum autem interest litteratissimos Galliarum legatos, suffragiis ferendis exercitatos, in suffragia mittere et Atticos cives, maximam partem illitteratos, quorum plurimi raro interfuerint concioni, quibus nomen non ut illis papyro, sed testulis inscribendum erat; quod apud illos trium horarum est, apud hos esset, ut minimum ponam, septem vel sex horarum, si *idem* tantum esset suffragia ferentium numerus.

rum concionum, quae inter *κνρίαν ἐκκλησίαν* sextae prytaniae et concionem eam, qua *δοτρεα-πορορία* institueretur, mediae essent interpositae. Verum neque constat ulla praeterea concione de ostracismo esse actum, neque omnino credibile in ostracismo habendo ab aliquo eorum, qui ei certamini essent designati, verba ad populum facta esse; alioquin non potuisset aut hic orator §. 3. commemorare in ostracismo esse neque accusationi neque defensionis locum (*οὐτε κατηγορίας γενομένης οὐτε ἀπολογίας δοθείσης*), aut pervulgari in vulgus illa fabula an historia ¹⁷⁾ de Aristidis ostracismo; nam si in ea opportunitate concionati ad multitudinem fuissent et qui populo auctores erant, ut Aristides urbe eiiceretur, et Aristides cum ab eo se periculo defenderet, non potuisset utique illitteratus ille rusticus aut adeo Aristidem ignorare, ut non alium potius quam ipsum Aristidem rogaret, velletne pro se Aristidis nomen testulae inscribere, aut speciosius caussis, cur eum eiici vellet, adeo carere, ut tam inhumanum responsum redderet, „non placere sibi quod is tam cupide elaborasset ut praeter ceteros iustus appellaretur.“ Haec Andocidem aut Andocidis aequales qui ostracismum ipsi viderant exerceri, non poterant fugere; sed fac in ostracismo non defuisse aut tempus aut locum orationibus habendis et audiendis, illud unum, quod ab hac oratione omnis abest et temporum, in quae ostracismus ille cadebat, accuratior notatio, et coronae, apud quam oratio habita sit, significatio, quarum utramque verus orator vel nolens et invitatus prodidisset, personatus orator fugit, ne erroris convinceretur, vel illud igitur satis est documento, quo tempore haec scriberetur oratio, ea omnia iam ignorata fuisse. Nunc enim quod annum definire licet, quo haberi debuit, habita si esset, quod orationis fictum tempus scimus cadere in Ol. XCI, 1, intra Decembrem mensem anni a. Ch. CCCXVI et Iunium mensem anni CCCXV, non orationis auctori illud acceptum referimus sed aliis scriptoribus ¹⁸⁾. Num verus orator tum rerum omnium omisisset memoriam, quae illi opportunitati propriae erant et ad ostracismum pertinebant, tum virorum, quorum studiis, contentionibus, artibus illud testularum certamen agitatum est? Illic vero ne verbum quidem habet, unde doceamur aut quid ab cyria ecclesia sextae prytaniae ad habitum usque ostracismum sit actum gestumque, aut quinam eo anno auctores populo fuerint, ut ostracismus haberetur, et qui factum sit, ut praeter Alcibiadem Niciamque ipse certamini illi destinaretur? Quid quod de Nicia ne tantillum quidem verborum facit actor, in unum debacchatur Alcibiadem, quamquam ei non minus erat cum Nicia quam cum Alcibiade decertandum, et quamquam ita est adornata oratio, ut Niciam aut Niciae amicos ante actorem credas verba ad populum fecisse; nam cum Alcibiades non dicatur dixisse, dicatur dicturus esse caussam, quis alius *τῶν κατηγορούντων* (§. 8.) nomine intellegatur praeter Niciam et Niciae patronos? Levius quiddam est neque tamen plane praetereundum, quod semel tantum et oratione iam ad exitum vergente §. 36, 6. appellatio reperitur coronae audientium ὧ Ἀθηναῖοι, cum in oratione de mysteriis, quae est apud iudices habita, quinquaquies fere redeat appellatio ὧ ἄνδρες §. 1. 2. (bis) 3. 5. 6. 8. 10. 14. 15. extr. 19. 22. extr. 25. 27. 29. 37. 39. 43. 46. 51. 52. 54. 56. 57. 60. 67. 69. (bis). 85. 88. 92. 101. 102. 103. 104. 105. 106. 109. 117. 120. 123. 124. 127. 128. 130. 132. 139. 140. 142. 146, semel ἄνδρες §. 89. extr., semel ὧ ἄνδρες δικασταί §. 136. princ., semel ὧ Ἀθηναῖοι 137., in orationibus autem de reditu et de pace, quae concionales sunt, appellatio ὧ ἄνδρες bis (de red. §. 1. §. 5.), ὧ Ἀθηναῖοι duodevicies (de reditu §. 6. 17. 22. 24., de pace §. 1. 2. 4. 6. 10. 17. 21. 25. 32. 34. 35. 37. 41. (bis)), ὧ ἄνδρες Ἀθηναῖοι semel ib. §. 13. extet. Non ei rei multum tribuo; scio enim Antiphontem, qui in iudicialibus orationibus

¹⁷⁾ *Plutarch. Arist. 7. Apophthegm. p. 116. Vol. VIII. Hntt. Corn. Nep. III. 1. Suid. v. Ἀριστιδης.*

¹⁸⁾ Cf. comment. *meum* de ostr. p. 187.

appellatione utitur ὁ ἄνδρες I, 1. 3. 19. 26. 30, extr. II, β. 13. III, γ. 3. V, 1. 7. 17. 20. 45. 49. 52. 72. 86. (bis). 92. VI, 7. 9. 14. 16. 20. 25. 28. 29. 33. 41., semel appellatione ὁ δικάζωντες 1. §. 7. ter appellatione ὁ ἄνδρες διακταί III, β. §. 2. V, 84. VI, 1., in nonnullis brevioribus τετραλογιῶν orationibus nulla omnino uti appellatione (veluti II, α; γ; δ. III, α; δ. IV, α; β; γ; δ.); scio etiam Lysiae orationes breviores VIII et IX omni carere appellatione; etiam apud Thucydidem in funebri oratione (II, 35.), in nonnullis concionalibus orationibus nullam extare appellationem, veluti in ea, quam ad Athenienses Corcyraei (I, 37 sqq.), Pericles (II, 60.), Cleo (III, 37.), Diodotus (III, 41.), Nicias (VI, 10.), ad Syracusanos Hermocrates (ib. 33.) et Athenagoras (ib. 36.) habere finguntur, cum in aliis extet, veluti I, 32 in Corcyraeorum, I, 140 in Periclis, IV, 17 in Lacedaemoniorum, IV, 95 in Hippocratis oratione ὁ ἄνδρες, I, 68 in Corinthiorum, I, 76 in Atheniensium, I, 79 in Archidami, I, 86 in Sthenelaidae, III, 53 et 67 in Thebanorum, ὁ Ἀκχεδαμόνιοι, I, 120 in oratione Corinthiorum ὁ ἄνδρες ξύμμαχοι, II, 11 in Archidami ἄνδρες Πελοποννήσιοι καὶ οἱ ξύμμαχοι, II, 87 ὁ ἄνδρες Πελοποννήσιοι, II, 89 ὁ ἄνδρες στρατιῶται, IV, 10 in Demosthenis ἄνδρες οἱ ξυναρμυμένοι τοῦδε τοῦ κινδύνου, IV, 59 in Hermocratis ὁ Σικελιώται, IV, 85 in Brasidae oratione ὁ Ἀκάνθιοι, 126 ἄνδρες Πελοποννήσιοι, 92 ὁ ἄνδρες Βοιωτοί. At in isto declamatore fuga appellationis ex ignoratione coronae videtur explicanda; nobis quidem sane constat non in iudicio, non in senatu, non in ἐταιρίᾳ aliquo conciliabulo, sed in concione tantum eam haberi potuisse orationem, qua quis ostracismi periculum ab se defenderit et in alium intenderit; istum vero hominem suam coronam non satis ab iudicio distinxisse, etiam alius locus, quem infra afferemus, demonstrabit. Verum id, ut dixi, levius, neque caret excusatione; illud gravius, quod ne verbo quidem deflet imminetentem sibi solitudinem, calamitatem patria carentis et in peregrina civitate inquilinorum in numero viventis. —

III.

Sed si ita reprehendus est orator eorum nomine, quae non dixit, cum deberet dicere, quomodo defendi poterunt, quae dixit, cum non deberet dicere? Cum animus sit orationem ita a principio usque ad finem perlustrare nunc, ut neque omittam, quae in reprehensionem incurrere videantur, neque reticeam si quae mihi laudabilia occurrant, praevideo iam futurum, ut stipato agmine impetum in me faciant viri boni, qui „exemplorum nube“ excusari posse probabunt, quae ego incusavero. Licebit mihi enim Graecorum imitari exemplum, apud quos tum dicendi magistri praecipiunt¹⁹⁾ τὰ ὑπὸ τῶν ἀνταγωνιστῶν ἐπίδοξοι λέγεσθαι ὡς δεῖ προκαταλαμβάνειν, tum²⁰⁾ oratores προδιήγησιν τῆς ἀπολογίας ἣς ἀκούονσι μέλλειν γίνεσθαι exhibent. Ego vero scio istorum potuisse praecidi impetum, si satis habuissem afferre, quae nulla arte excusari poterunt; sed velim utrumque teneant qui haec legent, et illud quod in Gallorum proverbio est, recte accusari, cui sit excusatione opus, et hoc suum cuique litterarum generi esse ut sentiendi ita etiam dicendi quendam quasi orbem, quem nemo impune excedat, quin statim coelum quasi mutasse videatur; atque id valet non minus in prosae orationis quam in poesis genera, neque minime in illam ab Graecis magis quam ab alia ulla natione excultam eloquentiam. Quodsi mihi nihilominus quandoque acciderit, ut diutius in eandem rem intentus praestricta mentis acie mihi videar vidisse quae non adsunt, erit apud aequos iudices non minus excusando quam reprehendendo locus.

¹⁹⁾ Aristotel. Rhetor. ad Alex. c. 19. p. 1433, 31. Bekk.

²⁰⁾ Aeschin. c. Tim. §. 116.

Mitto prooemii initium²¹), quae orator non nunc demum, sed iam antequam ad aliquam reipublicae partem accesserit, intellexisse se dicit, quam sit arduum attingere rempublicam, boni autem civis illud se putasse semper, ut pro populo periclitetur, neque vero privatas extimescens similitates publicarum rerum curam abiciat; civitates enim per eos, qui privatas tantum res agant, nihilo fieri maiores, per eos autem, qui publicas capessant, magnas et liberas; illud igitur mitto, quamquam quem continet locum communem (nam est communis locus) neque ita cum ea re quae agitur, cohaeret, ut audientium animis ad eam praeparandis idoneus sit, et ita friget, ut non periculis circumdatum oratorem sed securum declamatorem spiret, quamquam et τῶν πολιτικῶν πραγμάτων ὑπεύθυνος aliud quam oratorum coelum refert; quamvis τὰ τῆς πόλεως et τὰ πολιτικὰ πράττειν si minus ab oratoribus certe ab aliis frequentetur scriptoribus illius aetatis, quamquam denique et νομίμως προνομήζον et προκινδυνεύειν τοῦ πλήθους de eo dictum, qui non bellorum aut proeliorum pericula pro populo ingrediatur²²), sed civiles procellas sustineat, si minus offensioni, certe insolitum est. In iis autem, quae sequuntur, ὡν τῶν ἀγαθῶν εἰς ἐγὼ βουλήθεῖς ἐξετάζεσθαι μεγίστοις περιπέπτωκα κινδύνους, προθύμων μὲν καὶ ἀγαθῶν ἀνδρῶν ὅμων τυγχάνων διόπερ σωζομαι, πλείστοις δὲ καὶ δεινότητοις ἐχθροῖς χρώμενος ὅψ' ὡν διαβάλλομαι, “ἐξετάζεσθαι” quidem eo significato satis est oratorum usu comprobatum²³), neque περιπίπτειν κινδύνους ab eo usu abhorret, qui certe περιπίπτειν ἀτυχίαις, ἀτυχήμασι, ζημίαις, συμφοραῖς, δολῇ, λοιδοραῖς, λόγους frequentat²⁴), sed tum ὡν τῶν ἀγαθῶν neque excusatur iis exemplis, in quibus pronomini relativo interposita longiore oratione additur substantivum²⁵) perspicuitatis caussa, neque sanatur sublatis τῶν ἀγαθῶν (nam illud est scriptorem, non eius librarium corrigere), tum προθύμων—διαβάλλομαι quocunque demum modo verbis διόπερ σωζομαι medeare, quae mihi quidem sensu cassa videntur (erat cum δι' ὧν περ ἐσώζομαι expectarem), displicent vehementer; nam primum προθύμων καὶ ἀγαθῶν ἢ. ὁ. τυγχάνων non explicant, qui factum sit, ut in pericula incideret, cum bonorum vellet in numero esse, quam explicationem continent verba πλείστοις—διαβάλλομαι; atqui superius incisum ut oratorem credas voluisse inferiori respondere, faciunt iam μὲν—δὲ particulae; accedit quod naturalis ordo neglectus est, si quidem in pericula necesse est prius inciderimus, quam ex iis eripi et servari liceat; erat igitur sic potius collocandum: πλείστοις μὲν—διαβάλλομαι, προθύμων δὲ καὶ ἀγαθῶν—σωζομαι; denique viri bene de populo meriti dici solent²⁶) πρόθυμος καὶ ἀγαθός περὶ τὸν δῆμον (τῇν πόλιν, τῇν φυλὴν) γενόμενος, sed qui ea fuerit impudentia, ut populum de se bene meritum in se πρόθυμον καὶ ἀγαθὸν γενόμενον dixerit, scio neminem. Verum illis missis propere ad graviora; sequitur enim locus hic: ὁ μὲν οὖν ἀγὼν ὁ παρών οὐ στεφανηφόρος ἀλλ' εἰ χρη μὲν δὲν ἀδικήσαντα τῇν πόλιν δέκα ἔτη φεύγειν· οἱ δ' ἀνταγωνίζεμενοι περὶ τῶν ἄλλων τούτων ἐσμὲν ἐγὼ καὶ Ἀλκιβιάδης καὶ Νικίας, ὧν ἀνυπακούον ἕνα τῇ συμφορῇ περικτεσεῖν, in quo nolo reprehendere aut περιπεσεῖν paucis versibus interiectis post περιπέπτωκα ingratus repetitum, aut quod

²¹) Graeca verba subscribo Οὐκ ἐν τῇ παρόντι μόνον γινώσκω τῶν πολιτικῶν πραγμάτων ὡς σφαλερόν ἐστιν ἄπτεσθαι ἀλλὰ καὶ πρότερον χαλεπὸν ἡγούμην, πρὶν τῶν κοινῶν ἐπιμελίσθαι τινος· πολλοὶ οὖν δὲ ἀγαθοὶ νομίμως προκινδυνεύειν ἐθέλουν τοῦ πλήθους καὶ μὴ καταδείσαντα τὸς ἐχθροὺς τὰς ἰδίους ὑπὲρ τῶν δημοσίων ἔχειν ἡσύχιαν. ²²) Demosth. 25, 6. προκινδυνεύειν στρατεύομενοι. 297, 11. τοὺς ἐν Μαραθῶνι προκινδυνεύσαντας, atque de Atheniensibus Marathonē pugnantibus προκινδυνεύειν usitatissimum est; cf. Thuc. I, 73 c. n. Isocrat. Paneg. c. 22 §. 75 τοὺς τοῖς σώμασιν ὑπὲρ τῆς Ἑλλάδος προκινδυνεύσαντας. Lycurg. c. Leocr. §. 60 ὑπὲρ κοινῆς ἐλευθερίας προκινδυνεύοντες. Ne Xenophon quidem eo vocabulo quamquam saepius nititur usquam aliter nititur. ²³) Cf. Dissen ad Dem. de cor. §. 277 p. 318. ²⁴) Cf. Bergmann in Isocr. Areop. p. 176 Bensel. ²⁵) Veluti ap. Andoc. de myst. §. 80 ἐγένετο ἔρις, ὧν ἐγὼ οὐδὲν δέομαι μνησθαι οὐδ' ἀναμνησκείν ὅμῃς τῶν γεγενημένων κακῶν. cf. Matth. §. 476. ²⁶) Boeckh. Corp. Inscr. Gr. no. 857 ἀνὴρ ἀγαθός περὶ τὸν δῆμον τὸν Ἀθηναίων, ib. no. 90. 101. 105. 106.

ostracismo eiectus et hic et §. 36 *φεύγειν* dicitur, quod quidem in exules cadit, qui autem ostracismi causa solum vertunt, non *φεύγειν* sed *μερίσασθαι* dicuntur; quomodo autem excusetur, quod partim quae huic inciso vera insunt, non erant ab oratore demum auditores docendi, quibus etiam non monitis constabat utique, quod erat ipsorum in oculis positum, institui certamen id inter actorem et Alcibiadem et Niciam eorumque uni ostracismum subeundum esse; partim sarcasum refertur *ὁ μὲν οὖν ἀγὼν οὐ στεφανηφόρος*; in quem nego praeter sannionem incidere quemquam potuisse re vera periclitantem; tulerim, si in comoedia Xanthias cum Davo uter ipsorum vapulet certans inter illud suum et sacrorum ludorum certamen acerbam faciat comparisonem; sed principes in civitate viros tum ipsum, cum decerent inter se, cuinam ipsorum sit per longum tempus republica carendum; eo lusus et ludibrii nego posse descendere, ut dicant et dicant *apud populum* suo certamini non coronam, quae in certaminibus sacrorum ludorum causa institutis dari soleat, sed exilium propositum esse praemium; quibus denique machinis et artibus defendatur, quod et hic et §. 5 *decem* annorum exilium ostracismus dicitur esse, cum ex Philochoro²⁷⁾ constet ostracismo eiectum olim quidem per X, mox autem per V tantum annos carere urbe debuisse; atque ea mutatio etsi quo anno sit facta ignoratur, tum certe facta erat, cum ultimum haberetur ostracismus; atqui haec oratio ad ultimum spectat ostracismum, neque post eum umquam est iterum habitus. An Philochoro fidem non habebis, peritissimo Atticarum antiquitatum viro? Sed faciunt cum eo etiam Diodorus (XI, 55.) et schol. Aristoph. Vesp. 1001, uti a me nuper²⁸⁾ demonstratum est. Atque haec de priore proemii parte; transeo ad alteram, in qua lex de ostracismo lata sex nominibus rationibusque reprehenditur.

IV.

Primum enim repugnare eam legem dicit iuriurando senatus populiue. *Ἄξιον δὲ, inquit, μέμψασθαι τὸν θέντα τὸν νόμον, ὃς ἐναντία τῷ ὅρκῳ τοῦ δήμου καὶ τῆς βουλῆς ἐνομοθέτησεν· ἐπεὶ μὲν γὰρ ὕμνυτε μὴδὲν μῆτε ἐξελαῖν μῆτε δῆσειν μῆτε ἀποκτενεῖν ἄκριτον, ἐν δὲ τῷδε τῷ καιρῷ οὔτε κατηγορίας γενομένης οὔτε ἀπολογίας ἀποδοθείσης διαψηγισαμένων κινύβδην τὸν δστρακισθέντα τοσοῦτον χρόνον δεῖ στερεθῆναι τῆς πόλεως.* Commemoratur igitur iusiurandum senatus populiue atque hoc significat unum fuisse, utrique commune; si enim suum voluisset significare fuisse populo iuramentum, suum senatui, non singulari esset numero usus. Nos vero novimus quidem iusiurandum²⁹⁾ senatus (*ὄρκον βουλευτικόν*), in quo inerat partim³⁰⁾ *κατὰ τοὺς νόμους βουλευσώ*, partim *τὰ βέλτεστα βουλευσώ τῇ πόλει*³¹⁾, partim *ἀποφανῶ εἴ τινα οἶδα τῶν λαχόντων ἀνεπιτέθειον ὄντα βουλευεῖν*³²⁾, partim οὐδὲ δῆσώ *Ἀθηναίων οὐδένα, ὃς ἂν ἐγγυητὴς τρεῖς καὶ δισχῆ τὸ αὐτὸ τέλος τελοῦντας πλὴν ἑνὸς ἐπὶ προδοσίᾳ τῆς πόλεως ἢ καταλύσει τοῦ δήμου συν-ἰῶν ἁλῶ πλ.*³³⁾, partim, certe ex anno inde Ol. XCII. 3, *καθεδοῦμαι ἐν τῷ γράμματι ὃ ἂν λάχω*,³⁴⁾ partim denique, ex quo amnestiae lex lata est, *καὶ οὐ δεῖσθαι ἐνδεῖξιν οὐδὲ ἀπαγωγὴν ἐνεκα τῶν πρότερον γεγενημένων πλὴν τῶν γενομένων.*³⁵⁾ Novimus iusiurandum heliastarum³⁶⁾ (*ὄρκον ἡλιαστικόν* sive *ἡλιαστῶν*), quod continebat sane etiam illud οὐδὲ τοὺς μένοντας ἐξελαῖν *παρὰ τοὺς νόμους τοὺς κειμένους*, sed id sacramentum, etsi Harpocratō³⁷⁾ auctor est eo omnes esse Athenienses publice obstrictos, constat tamen non pertinuisse nisi ad eos qui

²⁷⁾ ap. grammat. in Phot. Porson. append. p. 672. *τοῦτον ἔδει - μεταστῆναι τῆς πόλεως ἢ ἡ δέκα, ὅσπερ οὖν δὲ ἐγένοντο πέντε.* ²⁸⁾ Commentat. de ostracism. p. 182. ²⁹⁾ Schömann Antiq. Jur. Publ. Graec. p. 212. ³⁰⁾ Xenoph. Memorab. I, 1, 18. ³¹⁾ c. Neaer. 1396, 25. ³²⁾ Lys. c. Philon. p. 869 R. ³³⁾ Demosth. c. Timoc. 746. ³⁴⁾ Philochor. p. 66 Siebel. ³⁵⁾ Andocid. de myst. §. 91. ³⁶⁾ Schömann de lit. Attic. p. 128. ³⁷⁾ γ. Ἀρδηςτος — ἐν τούτῳ, φασί, δημοσίᾳ πάντες ἄμυνον Ἀθηναῖοι τὸν ὄρκον τὸν ἡλιαστικόν.

heliastae ut sederent sortiti essent, aut certe heliasticam aetatem³⁸⁾ attigissent triginta annorum. Novimus sacramentum epheborum, quo qui ad ephebiam pervenissent, id est septimum decimum aetatis annum excessissent, in aede Agrauli, ni fallor, sollemnibus Agrauliorum adactos esse constat³⁹⁾, quod quidem sacramentum referebat fere sacramentum militare. Novimus iusiurandum novem praetorum⁴⁰⁾, quo illi ineuntes magistratum in leges iurabant; nam praeter novem archontas alios etiam magistratus in capessendo munere iusiurandum dedisse merito negat C. F. Hermannus⁴¹⁾ ab quoquam memoriae traditum esse. Novimus⁴²⁾ iusiurandum arbitrorum sive iudicum de chororum certaminibus iudicantium, ut iuramenta praeteream, quae in iudiciis aut ab litigantibus aut ab testibus aut ab arbitris compromissariis dabantur. Iusiurandum vero populi idque commune senatus neque reliquorum scriptorum quisquam commemorat (id autem silentium est, si quod aliud, ut cum Fr. Aug. Wolfio loquar, *argutum* et *vocale*), neque credibile est fuisse, aut si fuit, ea continuasse quae hic narratur continuasse. Non credibile est fuisse; nam si fuisset, debuisset esse annuum, annuum autem neque fingi potest qua in opportunitate solitum sit dari; et non minus Demophanti⁴³⁾ plebiscitum quam sacramentum amnestiae⁴⁴⁾ repugnant annuo populi sacramento. Demophanti enim lex, quae lata est anno⁴⁵⁾ Ol. XCII, 3, iussit *ὁμοῖαι δ' Ἀθηναίους ἅπαντας καὶ ἱερῶν τελείων, κατὰ φύλὰς καὶ κατὰ δήμους, ἀποκτείνειν*⁴⁶⁾ *τὸν ταῦτα ποιήσαντα — ταῦτα δὲ ὁμοσάντων Ἀθηναῖοι πάντες καὶ ἱερῶν τελείων, τὸν νόμιμον ὄρχον, πρὸς Λιονυσίων.* Amnestiae autem sacramentum Andocides significat senatum quotannis iurasse: *ἡ δὲ βουλὴ αὐτὴ ἡ αἰεὶ βουλευοῦσα τί θύμνῃσι; „καὶ οὐ δέξομαι ἔνδειξιν οὐδὲ ἀπαγωγὴν ἐνεκα τῶν πρότερον γεγενημένων, πλὴν τῶν φεγόντων“*, quotannis heliastae: *ὁμῆς δ' αὖ, ὧ Ἀθηναῖοι, τί ὁμόσαντες δικάζετε; „καὶ οὐ μνησικακῶσω, οὐδὲ ἄλλῃ πείσομαι, ψηφισῶμαι δὲ κατὰ τοὺς κεκμένους νόμους“*, cives autem omnes semel tantum et post reconciliatum quidem omnium pacem: *ὁ μὲν κοινὸς (ὄρχος) τῇ πόλει ἀπάσῃ, ὃν ὁρωμόκατε πάντες μετὰ τὰς διαλλαγάς, „καὶ οὐ μνησικακῶσω τῶν πολιτῶν οὐδενί“ κτλ.* Nonne autem tum Demophantus tum amnestiae auctor sua iuramenta addi iussissent annuo populi iuramento, si annuum fuisset? Ego vero opinor. Sed ut fuerit annuum populi iusiurandum, atque adeo fuerit, id quod etiam minus credibile est, commune senatus populique, illud certe non poterat continere *μήτε ὄρχειν ἔκρινον*, se neminem in vincula carceremque coniecturos esse praeter condemnatos; nam carceri et vinculis in ἀπαγωγῆς, ἐνδείξεως, ἐφεγγήσεως, atque in nonnullis ἐσαγγελίας iudiciis, quibus quidem aut perduellionis aut maiestatis (*προδοσίας ἢ καταλύσεως τοῦ δήμου*) ageretur, non convicti demum condemnatique sed iam rei tenebantur, quorum nomen esset delatum.

In iis vero, quae addit orator, *„ἐν δὲ τῷδε τῷ καιρῷ οὔτε κατηγορίας γενομένης οὔτε ἀπολογίας ἀποδοθείσης“*, illud mirum, quod quamquam negat in ostracismo accusationi et defensionem locum esse, orationem tamen ipse scripsit, in qua et se defendit et Alcibiadem accusat, et accusatores diserte commemorat (§. 8) qui sibi odium popularis imperii et seditionem obiecerint et §. 25. Alcibiadem dicit de omnibus aliis potius quam de iis rebus se esse defensurum quarum sit accusatus (*περὶ πάντων μᾶλλον ἢ τῶν κατηγορηθέντων ἀπολογίσεσθαι*). Quamquam cum *κατηγορεῖν* et *ἀπολογεῖσθαι* non tantum de iusta accusatione et defensione sed etiam de opprobriis factis repulsisque dicatur⁴⁷⁾, id non vehementer reprehendendum

³⁸⁾ Demosth. c. Timocr. 747, 9. ³⁹⁾ Pollux VIII, 105. Stob. XLIII, 48 p. 110. Cicer. de rep. III, 9.
⁴⁰⁾ Schömann I. c. p. 245 not. 18. ⁴¹⁾ Proem. ind. schol. Marburg. a. 1833–34 p. VI, not. 1. ⁴²⁾ Demosth. c. Midiam §. 17. 65. 55. ⁴³⁾ Andocid. de mysteriis §. 96. ⁴⁴⁾ Idem §. 90. seq. ⁴⁵⁾ Corp. Inscript. Graec. Nr. 147. ⁴⁶⁾ Lege ἀποκτείνειν, quod Taylorus (Reisk. Orat. Graec. Vol. VIII. p. 693.) ex M. A. [i. e. manu antiqua aut margine Aldinae] iam adnotavit. ⁴⁷⁾ Demosth. c. Mid. 519 §. 13. Lys. I, 37. Thuc. I, 91.

est. Magis mirum quod suffragiorum occultam lationem (*κρύβδην ψηφίζεσθαι*) reprehendit⁴⁸⁾, quae illud certe commodi habebat, ut privatae gratiae et privato odio minus locus esset, atque ad uniuscuiusque conscientiam recti omnia magis referrentur.

Alterum, quod in ostracismo reprehendit, hoc est: *εἶτα ἐν τοῖς τοιούτοις οἱ τοὺς ἐταίρους καὶ συνωμοτὰς κεκτῆμένοι πλέον γέρονται τῶν ἄλλων*, in quo articulus absonus et aut tollendus aut cum πολλοὺς mutandus videtur; sed huius ipsius sententiae, quod in ostracismi opportunitate plus valere dicit, qui coniuratorum sodalitia habeant, quam qui non habeant, quodnam profert argumentum? οὐ γὰρ, inquit, ὥςπερ ἐν τοῖς δικαστηρίοις οἱ λαχόντες κρίνουσιν, ἀλλὰ τοῦτον τοῦ πράγματος ἔπασιν Ἀθηναῖοις μέτεστι. Taceo iterum doceri nunc auditores Athenienses, quod in ipsorum oculis esset positum, sed non tacere licet neque vesaniam, quae quando cives omnes suffragia ferant, gratiam et potentiam plus valere credat, quam ubi pars sentiat iudicandi provinciam sortita sit, neque impudentiam, quae non secum et clam ita sentiat, sed eadem publice apud ipsos Athenienses profiteatur, apud quos scilicet μισοδημίαν crimen ab se avertere studet.

Sequitur: πρὸς δὲ τοῖς τῷ μὲν ἐλλείπειν τῷ δ' ὑπερβάλλειν ὁ νόμος μοι δοκεῖ. τῶν μὲν γὰρ ἰδίων ἀδικημάτων μεγάλην τιμωρίαν ταύτην νομίζω, τῶν δὲ δημοσίων μικρὰν καὶ οὐδενὸς ἀξίαν ἡγοῦμαι ἔμψαν, ἐξὸν κολάζειν χρήμασι, καὶ δεσμῷ καὶ θανάτῳ. Reprehendit igitur orator ostracismum tertio loco propterea quod delictorum sit privatorum maior, publicorum minor iusto et lenior poena, quae scilicet poena omnino non erat, non erat τῶν προγεγενημένων ἀδικημάτων τιμωρία⁴⁹⁾, non πονηρίας κόλασις⁵⁰⁾, non instituebatur ἵνα τὴν κακίαν κολάζωσιν⁵¹⁾, non erat μορθηρίας κόλασις⁵²⁾. Neque vero Diodorus et Plutarchus in ea re soli contra oratorem testimonium dicunt, facit contra eum etiam Thucydides⁵³⁾, facit etiam Aristoteles⁵⁴⁾, qui quibus locis commemorat ostracismum, eum eo spectare dicit, ut decurrat eminentes atque aequalitati reliquorum metuendos, in qua aequalitate vertatur vis popularis imperii. Orator autem in eundem fere errorem iterum incidit §. 35, ubi adversus cives, qui essent et magistratibus et legibus potentiores, quod ab iis non possent privatae poenae repeti, ostracismum vult ut poenam publicam (δημοσίαν τιμωρίαν) institutum esse. Cur vero dicit publicorum delictorum ostracismum poenam iusto minorem esse et paene nihili? quod ἐξὸν κολάζειν χρήμασι καὶ δεσμῷ καὶ θανάτῳ, quod possint bonis et vinculis et morte puniri. Itaque per decem annos patria carere ex huius oratoris sententia levius est quam bonis multari. Sed sit ita; illud vero quod dicit licuisse, καὶ δεσμῷ κολάζειν, non licuit, non licuit civem Atticum vinculis punire, neque vincula erant publica poena Atticorum civium; carcere enim teneri Athenis cives non poterant, nisi aut vadimonii caussa, ne desererent vadimonium, id quod in iudiciis tantum ἀπαγωγῆς, ἐνδεξέως, ἐφηγήσεως atque in nonnullis εἰς ἀγγελίας locum habebat, aut ne se poenae ab iudicibus irrogatae subtraherent, si poena capitalis esset; poenae autem caussa cives non tenebantur vinculis, nisi quod tum in paucis quibusdam privatis litibus carceris poenam per προστίμην addi licebat, atque in paucioribus etiam publicis causis reus, cui multa irrogata esset, carcere tenebatur, donec solveret multam. Itaque poenam orator commemorat, quam non debebat, δεσμόν, non commemorat autem quas debebat, infamiam, publicationem bonorum, exilium perpetuum, longe graviores poenas quam multam et carcerem (χρήματα καὶ δεμόν).

⁴⁸⁾ Recte enim διαψηφισαμένων κρύβδην esse ab Bekkero pro οὔτε διαψ. κρ. scriptum Philochori locus evincit, quem not. 27 excitavi ἐτίθεσαν τὰ ὄστρακα στροφέοντες τὴν ἐπιγραφὴν. ⁴⁹⁾ Diod. XIX, 1. ⁵⁰⁾ Idem XI, 87. ⁵¹⁾ Id. XI, 55. ⁵²⁾ Plut. Aristid. 7. ⁵³⁾ VIII, 73. ⁵⁴⁾ Polluc. III, 8, 11, 12; V, 2, 4.

Quod quarto loco reprehendit in ostracismo *ἐτι δ' εἰ τις διὰ τοῦτο μεθίσταται, ὅτι πολιτὴς ἐστίν; οὗτος οὐδ' ἀπελθὼν ἐνθάδε παύσεται, ἀλλ' ὅπου ἂν οἰκῇ, τάντην τὴν πόλιν διαφθερεῖ, καὶ τῇδε οὐδὲν ἥτιον ἐπιβουλεύσει, ἀλλὰ καὶ μᾶλλον δεικνύοντες ὅτι πρὶν ἐκβληθῆναι, corruptum esse recte perspexit Reiskius, male negavit A. G. Beckerus; nam aliquem propterea eiicere civitate, quod sit civis, tam est vesanum, ut ne iste quidem declamator istuc in legislatorem contulerit; neque vero sanatus locus aut coniectura Reiskii κακός, aut Förtschii τοιοῦτος post ἐστὶ addentium, aut Ienensis alicius censoris ἀπολλύτης rescipientis pro πολιτῆς, quae omnia absunt ab veritate; quid enim desideretur, satis ex iis patet, quae sequuntur. Etenim cum in his dicatur, illud si spectarit legislator, irritam tamen fore expulsionem; quod postquam sit expulsus pergat et esse idem, qui fuerit antea, et urbem pessum dare ei quod insidiari non minus quam antea, sed iustioiem quam antea caussam sit habiturus, necesse est in antecedentibus significatum sit, eum iam antea quam expelleretur civitati insidiatum esse, eiusque libertatem pessumdedisse; scribendum est igitur: *ὅτι πολιτὴς ἐστὶν ἐπὶ βουλοῦς, οὗτος οὐδ' κτλ.*; ἐπὶ βουλοῦς enim, quod per litterarum similitudinem inter *ἐστὶν* et *οὗτος* intercidisse statum, notum satis est ex Platone⁵⁵). Ea ipsa vero sententia non vera est; nam qui propterea urbe eiicitur, quod civium suorum libertati insidiatur, is eiectus habebit sane insidiandi voluntatem non minorem, caussam etiam iustioiem, sed id, quod unum spectatur, opportunitatem et potentiam longe minores.*

Quinto loco reprehenditur ostracismus, quod, cum possit usu venire, ut per ignorantiam optimus civis eiiciatur, futurum sit ut civitas per decem annos utilitatis fructu privetur, quem ex eo non eiecto capere potuerit. In graecis verbis: *οἱμαὶ δὲ καὶ τοὺς γί- λους ἑμῶν ἐν ταύτῃ μάλιστ' αὐτῇ ἡμέρᾳ λυπεῖσθαι καὶ τοὺς ἐχθροὺς ἡγεσθαι, συνειδόμενος ὥς ἂν ἀγνοήσαντες ἐξελάσῃ τὸν βέλυστον, δέκα ἐτῶν ἢ πόλις οὐδὲν ἀγαθὸν ὑπὸ τούτου τοῦ ἀνδρός πε- λίσσεται*, notabo levius quiddam, neque tamen plane praetermittendum; legitur enim hic *ὥς ἂν* et §. 27. *θανυμῶν ἂν*, semel tantum §. 18. *ἐὰν δὲ* ex foederibus petitum, quorum, uti legum, plebiscitorum, Sctorum, etiam sequiore aetate erat *ἐὰν* non *ἂν*⁵⁶); Andocides autem in oratione de mysteriis ubique forma utitur *ἐὰν*, §. 11, 8. 26, 5. 33, 3. 37, 6. 41, 8. 89, 5. 123. 146. 149, 11., unde credibile §. 144. pro *ταῦδε, ἂν* esse *ταῦθ' ἐὰν*, §. 149. *οὐδ' ἐὰν* pro *οὐδ' ἂν* scribendum; *κἄν* autem §. 6. remansisse videtur contractum ex antiquiore *καὶ ἦν*, non vero ex *καὶ ἂν*, ideoque eodem etiam Antiphon utitur II, α §. 3. II, β §. 2. (bis) §. 9. V, 32. VI, 6. qui semel *καὶ ἂν* (VI, 4.) semel *καὶ ἦν* (VI, 25.) habet, *ἐὰν* fere ubique (I, §. 3. §. 20. extr. §. 29. §. 30. II, β, §. 1. §. 9. II, δ, §. 7. §. 8. §. 10. III, α, §. 1. β, §. 2. δ, §. 3. (bis) V, §. 5. (bis) §. 48. §. 66. (bis) §. 80. (bis) §. 85. §. 87. 90. 95. (bis) 96. VI, §. 4. §. 8. 28, nisi quod *ἂν* quater quidem post vocem quae in vocalem exit I, §. 23. *δῶ ἂν* V, §. 46. *ἐχθροῦ ἂν* ib. §. 48. *δεσπότῃ ἂν* VI, §. 50. *οὐδ' ἂν*, semel tantum post consonam *ἐστὶν ἂν* II, §. 1., quod cum propter *ν* epheleysticum excusationem habeat, mihi minus suspectum videtur, quam *μηδὲν ἂν*, quod Andocides de myst. §. 8. dixit. Ex horum aequalibus Thucydides⁵⁷) plerumque *ἦν*, rarius *ἐὰν*, paene nunquam *ἂν*, unde VI, 18 Poppo pro *ἂν* maluit *ἐὰν*, *κἄν* autem apud eundem saepius reperitur, veluti I. VI, c. 33. §. 5. Xenophon *ἦν* dicit et *ἐὰν*, *ἂν* autem tum tantum, ubi

⁵⁵) Plato Sympos. p. 203. D. *ἐπιβουλόος ἐστι τοῖς καλοῖς Theaetetus* §. 81. p. 174 D. ⁵⁶) Id eo usque valet, ut non tantum in ipsis legum formulis sed etiam cum oratores suis verbis argumentum legum, plebiscitorum, Sctorum, pactioinum, foederum referunt, *ἐὰν* particula utantur. Exempla ex innumerabilibus pauca dabo haec: *Lys.* c. Theomn. I, 6. 9. 12. 16. 30. II, 3. 4. 5. 6. pro milit. IX, 6. c. Alcib. XIV, 8. de caed. Erat. §. 32. 49. Corp. Inscr. Gr. 2329, 22. n° 75, 12. n° 76 *ἐὰν* nov. ib. *ἐὰν* τ. 87. *ἐὰν* τ. 93 *ἐὰν* δ. (bis) ib. *ἐὰν* τ. 120. *ἐὰν* δ. 107 *ἐὰν* τ. 101. Suspectum hinc *ἂν* *δυνατός* ὁ in lege ap. Andocid. de myst. §. 97. cum in reliqua lege saepius *ἐὰν* extet, suspectum *ἂν* οἱ ἀρχόντες ap. *Lys.* XXII, 6. ⁵⁷) Poppo I, 1, 230.

antecedens vox desinit in vocalem; ubi enim in consonam exit, tam raro reperitur, ut in vitii veniat suspicionem; in libello autem de republica Atheniensium, quem Xenophorus credo paullo antiquiorem esse, non offendor neque in καὶ ἄν II, 17, neque in δόδοντες I, 11, quod excusatur praecedente ὡς ephelc. Lysias⁵⁸), numquam ἦν, sed semper ἐάν, quod post vocabulum in vocalem exiens ἄν non raro habet, post consonam rarissime. Isocrates⁵⁹) plerumque ἦν, raro ἐάν, nunquam ἄν videtur dixisse; Demosthenes⁶⁰) et reliqui oratores ἦν forma abstinerunt plane, ἐάν et ἄν ita usi sunt, ut dici nequeat ultra forma saepius. Lycurgus fere ubique ἐάν formam habet, nisi quod ter post vocalem aut apostrophum, semel post consonam ἄν exhibet; Aristophanis poetae videtur aut ἦν aut ἐάν fuisse, cuius iambicam esse mensuram demonstravit G. Dindorfius⁶¹); ἐπὶ ἦν autem non ἐπὶ ἐάν dixisse Atticos, L. Dindorfii⁶²) scita observatio est.

Sed illud levius, praesertim cum quae eo ex genere afferri possunt et propediem sum allaturus, nondum constet, sintne ad oratorem an ad eius librum referenda; gravius hoc quod cum sexto loco legis de ostracismo perlatae etiam hinc probari dicat pravitatem, quod ea lege omnium Graecorum Athenienses soli utantur, (legum enim eas esse optimas, quae non minus convenient paucorum quam multitudinis imperio) mirifice contra rerum fidem et memoriam pugnat; satis enim constat apud Ephesios, Milesios, Argivos, Megarenses, Syracusanos si minus idem, certe simile obtinuisse institutum, etsi et nomine fuerit diversum et forma nonnihil immutatum. Attamen ita excusare oratorem licet, quod tum ostracismus Athenis diutius, per VC fere annos, perduravit, qui in reliquis Graecis urbibus brevissimi temporis fuerit, et iam multum ante fictum huius orationis tempus obsoleverit, tum quod non tam illud ab oratore dicatur, nullam aliam urbem ostracismo uti, quam id potius, nullam aliam Athenienses ea in re imitatum esse; atque ab Atheniensibus ad alias urbes pervenisse ostracismum, illud sane non est memoriae proditum. Verum si cui haec erroris non videatur legitima excusatio, nedum defensio esse, sicut ne mihi quidem videtur, eo tamen argumento non licet abuti, ut oratio eripiatur Andocidi, quem constat in rerum memoria fuisse negligentissimum; sed ostracismum, cum versatus sit in popularis imperii aequalitate tuenda, propterea reprehendere, quod paucorum imperio non conveniat, id ita ineptum est, ut in Andocidem aut eius aequales non videatur posse conferri.

⁵⁸) ἐάν apud Lys. I, 5. 16. 36. 47. 49. III, 4. 9. (bis) VI, 14. 15. (bis) 41. 43. XI, 11. XII, 15. XIII, 52. 76. 97. XIV, 11. 12. 13. 20. 21. XV, 5. XVI, 3. (bis) XIX, 30. 33. 56. XXIII, 16. XXV, 4. 17. 33. XXVI, 6. 14. 15. extr. XXVII, 9. XXIX, 14. XXXI, 25. — ἄν post vocem, quae in vocalem exit V, 4 ὅτι. ἄν VI, 15 εἰς, ἄν X, 15 διδάξαι, ἄν XII, 28 ἐπὶ ἀντα, ἄν XIII, 61. γε, ἄν XIV, 22 ἀπὸ, ἄν XIII, 17. μάλιστα ἄν. ib. 20. πειράσονται, ἄν. XIX, 1. ὅτι, ἄν. ib. 10. καὶ ἄν. 61. ὡφελήσεται ἄν. XXII, 10. δ' ἄν. ib. 19. ἡγούμενοι ἄν. ib. 21. οὐδ' ἄν. 22. ἐπὶ ἀντα, ἄν. XXVI, 5. ὡς ἄν. 6. δοκῇ. ἄν. XXIX, 17. ἡδικοῦμενοι ἄν. Post vocem autem, quae exit in consonam litteram, apud Lysiam, ni fallor, sex tantum locis reperitur ἄν. VI, 4. γὰρ ἄν. XXI, 13. λευκοῦσιν ἄν. XXII, 15. ἀγαπῶμεν ἄν. ib. 19. λευκοῖς ἄν. XXIV, 6. ἦς ἄν. XXVII, 6. κλέπτειν ἄν, de quibus mihi nondum stat iudicium, cum libros mss. quibus Lysiam acceptum referimus, pessime habitos esse constet. ⁵⁹) Benselerus quidem ad Isocrat. Areopag. p. 146 sqq. Isocratem credit ἦν et fortasse ἄν, non tamen ἐάν scripsisse; verum qui vel ea tantum quae collecta ab eo sunt, perlustraverit, in eam potius deferret sententiam, quam supra dixi; nam cum multis locis libri constanter ἦν, non paucis alii ἦν, alii ἐάν, alii ἄν exhibeant, 29 locis libri omnes ἐάν, 6 tantum locis omnes ἄν praebent, in quibus vocalis an consona littera praecedat, ne licet quidem dicere nunc, cum verba a Benselero non adscripta sint, qua autem usus est editione Isocratis, ea mihi ad manus non sit. ⁶⁰) In septuaginta primis paginis Demosthenicarum orationum ἐάν est in 16, 22, 29, 1. 31, 5. 32, 23. 37, 5. 18. 44, 19. 48, 4. 12. 51, extr. 52, 24. 54, 15. 55, 5. 67, 7. 70, 15. 71, 27. 73, 5. ἄν post consonam 12, 10. 21, 20. 22, 18. 24, 2. 26, 4. 29, 14. 33, 20. 43, 11. 45, 7. 59, 14. post vocalem aut post apostrophum 12, 12. 13, 17. 14, 2. 15, 1. 15, 23. (21, 3 et 32, 10 post ὡς ephelc.) 31, 9. 33, 26. 41, 3. 42, 3. 13. 43, 25. 48, 8. 53, 1. 2. 54, 20. 24. 57, 18. 67, 24. 70, 15. 71, 18. 72, 19. ⁶¹) In Aristoph. Vesp. 228 ed. Oxon. ⁶²) In Xenoph. Cyrop. III, 2, 6. cf. G. Dindorf. in Aristoph. Lysistr. 1175.